





國初雖流

矣蓋謂言之

譜多失諱等

之難也吾汪

次之功覈實

自始迄終無

耳雖然亦

繼往俟來

次不簡不繁不  
矣否則未善也觀於是編  
王言次存舊典次第新文  
墓名末則自序益詳  
跋焉夫條凡例所以  
以昭恩寵也  
文所以見濟宗  
志墓名

據也紀號數所以

也總之

以悉譜之義也

旁雜也不夸濫也

者分之疑者刪之信也

而不失其正可以繼往矣

以求傳矣噫洪氏之族於

曰一家矣居之散而會之

於譜之既成矣則世次明

遠猶近也散猶聯也親益  
以紹三洪之後庶不專美  
於將來則是編之存可與  
猗歟盛哉

皇明嘉靖十七年歲次戊戌  
賜進士出身亞中大夫太僕寺  
給事中奉

冊封

荆府使侍

經筵新安汪玄錫書



洪氏家乘目錄

一卷

紹興御筆

跋

許樞密詩

御贊忠宣公像

御和詩

二卷

舊譜序

石碑序

南唐約關



士良公墓表

滄港墳地紀原

洪忠宣公小傳

盤洲清逸

別墅小隱

詩書宗主

題僕射适公像

適公像

跋

芝山謁丞相墓詩

齋孫洪善秘和

涇川志古跡

跋

與洪子明書

歛洪源譜序

三卷

請義士書

跋

贈三洪生詩

行樂畱贊

松山詩

萃英草堂

清溪衍

新豐八景詩

南潭古選

贈洪生別

紫峰

澹庵

松山解

記萃英草堂

塔山八詠

松亭

濟泉

樂軒

竹亭

清泉

清溪詩之首

四卷

梓壽公像贊

吳公寫真贊

皓昌公傳

麗盛公傳

梓壽公傳

炤公傳

舉峯傳

一峯傳

一峯壁公輓詩

煇安公傳



輓詩

處士洪國器傳

以和洪君傳

浪溪公傳

六節婦傳

三義士傳

盛夫傳

鄭氏贊

伯銳字說

五卷

洪氏世系

六卷

柯村派

七卷

丁村派

下浪深田派

八卷

陳楊冲派

九卷

下浪派

清塘派

十卷

由里派

十一卷

青陽塔山派

十卷

事畧

墓志

譜號

後序

跋

譜例

一洪姓有二共工之後子孫推本水德加水于左改洪氏其

一也弘寅公春秋時仕衛後世避君諱改弘為洪其二

也新豐之洪自共工氏源流若合弘為一則混而無別

故統言之以見其有二派詳本派而不及其二所以

別各派使其後知所祖而不紊也

一洪氏譜牒甚明譜勅亦備元末國初遭亂失散所存者派

系而已譜勅求而弗得非不能補實不敢補也此固史

闕文之遺意後之視今其知世變矣

一譜圖世次率以五世為度週而復始次第相承雖本歐譜

為則實取五行相生貞復起元之意脈絡通貫庶便觀

覽

一家譜與國史大同小異史記一國之事善惡備書譜記一家之事善者書而惡者削雖所以嚴刪次之法實亦爲親者諱也

一本姓支分派別隆替不一其的派可考者雖貧賤不遺無可証據者雖貴富不輕采入

一世系中有遷徙者於本名下書遷某處雖一時不能盡收後有重宗而願歸者庶去就分明不旁雜矣

一繼嗣昭穆應繼者曰紹某公不應者直書之出繼外親者曰出紹外姓入繼者恐後世有以呂易嬴之禍黜而不書

一名諱或有相同者於各派下各自更改其有通族不能盡改者族大人稠勢有所不能免姑隨之耳

一古今文翰有關於譜者刻之無實跡而徒飾虛名者刪而不載

一無後者書止或書無傳後有冒認而續增者不能入矣

一祖墓必志者俾後嗣知某公爲同出之祖墓某地某公爲獨出之祖墓某地庶無郭崇韜妄拜之患亦繼往開來之意云

一婚娶必須名族以門第相對也於本名之下則書曰配某氏如有不顧名器而妄娶者不書

一譜之有號防散逸也以慈悌八字排某字號某人收每歲

聚會一次各將譜書出驗如有失落及妄費者衆共攻之以聲其罪

附錄舊譜規戒條目

恭惟

祖宗封姓之始自古共工氏子孫推本水德以洪易工於燬  
煌至南宋饒州番易祖皓謚忠宣長子适先知新安第公于  
十三公棟迁居本里柯村自宋歷元及今至洪友昇等後見  
第十世前後迁徙遠近存廢不一長幼希集愈久恐失尊卑  
今宜會族修譜先立規戒條目于后

一譜書年遠磨壞難辨合行重編請文刊板一應使費各照  
譜上見在名字出倫毋致堆如遺不註名上譜

一祖上各支及無後墳塋若有遺忘今查譜書下落處所地  
名倘有穿陷務宜修理如被侵損各支務要明理如無力

量者合族量力親踈資取

一族中婚姻各擇名門吾輩之家不許貧富濫爲如違求不認族

一族中尊卑派行貧幼者行尊殷老者行卑毋致越禮犯分恃勢紊亂昭穆坐次称呼如違衆共責之

一喪禮一事合族人繁喪主力有厚薄難以徧備喪服今後遇有喪合族各人自備合得喪服同請有喪之家成服送殯毋致趨富棄貧倘有孤貧不能葬者合族量力親踈資葬

一族中倘有被人誣陷欺害究察如果若本身無能明理親房能者代其伸訴合族量力親踈資助毋得各懷私親

生顛倒如有假此爲由妄生異事害人者務要懲戒如有不悛當官証其非罪

一族中互相爭競田土大小等事不許竟自赴官陳告務要投明族衆會議是否如有不悛方許陳告族衆經官証其非罪毋許各懷私親私讐兩面二舌徇私偏向曲執歪倒務令從公各無傷怨

一族中如有奸盜詐僞會族懲戒不悛者送官治罪譜書削去名字永不入族

一祖上係大宋功臣所賜迄今尚存務宜撫恤如有不服役使各要懲戒

計開僕使姓氏

文姓

程姓

汪姓

方姓

丁姓

葛姓

吳姓

謝姓

李姓

洪姓

洪姓

洪姓

右立各項規戒各人務在遵守如違論事輕重量情罰銀公用脩理墳墓橋道族中亦不可徇私徧縱倘若恃頑不服懲罰即當送官治罪

成化二十一年十一月二十四日議譜書人 洪梓壽

洪皓昌

洪祖蔭

洪志安等同立

洪昕昌

右梓壽公輩議刻宗譜先立規條可謂義美惜徒志未就後

公之孫璽輩欲襲其遺未有佐之者今公之曾孫曰璽首倡是舉率其從弟鉉服叔玉暨生員遷大譜新豐銀梓以傳爰識此以紀歲月云嘉靖十七年六月朔旦題

洪氏家乘卷之一

紹興御筆

賜卿冬服

綾羅各壹疋

絹叁疋

綿伍疋兩領也

付洪皓

跋

華亭尉洪憫

造公第六子粹之子也所藏

宸翰一紙出以相視拜手敬觀乃

高宗皇帝錫其曾大父忠宣公冬服帖也珍光陸離上映金壁倚

歟侈哉忠宣名節真如皎日方其歸自朔漠思陵蓋有意大用

之矣公因以室撫寄聲一語中時宰奸心故擯斥至死天下究

之福善之應固如是耶雖然亦視天定何如耳忠宣適不為中

興台輔而餘慶施于後人金蠲元纓萃在一門衣冠之富近世  
妙儷盛德之報迄不可誣然則國家之所以寵榮洪氏者又不  
可置見於一時幣帛之賜而已魏徵所得正觀詔書至孫壽無  
復存者思陵嘉賚忠宣親洒

宸翰其家宝藏之固敢失墜抑以見洪氏子孫之賢能不承先朝  
之寵光修其前休以詔于後嗣將百世無斁也比經筵進讀至  
是蓋嘗舉室然事爲之敷陳上甚嘉聽焉今又睹是帖借以斐  
墨識之宝藏奎畫傳之無極觀者嘆美

高宗知人之本心而追恨權臣欺君之舉天定勝人於此尤驗

紹定四年辛卯九月戊申朝請郎直寶章閣權江南東路提點  
刑獄事兼權提舉措置臣袁甫拜手謹書

文

勞還國之常典也未有親灑

宸翰 賜賚蕃庶如

向皇帝所以寵忠宣公者以公光明俊偉之節當思陵殊常特異  
之寵厥美惟稱猗歟盛哉公雖以忤權臣遭斥至死而奎壁垂  
光照耀千古自有不可磨滅者敬觀此真帖非惟爲洪氏不朽  
之榮使人追想公之忠規直節雖百世足以廉頑立懦若夫一  
時所遭者天也雖然繇今觀之天果何如哉

紹定五年閏九月朔資政殿學士金紫光祿大夫提舉臨安府  
洞霄宮臣曾從龍拜手謹書

又



高宗皇帝賜忠宣公

宸翰恩禮之隆如此惟忠宣可以無負矣忠宣直節千古有光權臣氣焰今何在耶權臣能抑其壽位而不能掩其脩名能屈其身而不能奪諸子孫衣冠蟬聯逾久逾盛曾孫儻德秀拜手謹書

樞密許及之絕句詩

燕山絕勝冷山屯不戴胡天戴宋恩身紋相家貧未得四行貞詔萬重恩

嘉泰二年閏十二月上澣孫婿宣奉大夫參知政事同編脩勅令求嘉郡開國公食邑三千九百戶食實封一千二百戶許及之謹書

御贊洪皓公像

朕幸龍圖閣見尚書洪皓之像欣然有感捐筆贊之天生英賢爲朕之左三輔元勛百祿是荷目其容儀捐筆贊之與尔子孫永揚其基

大宋內翰臣洪适詩進

孝宗皇帝御前

五更猶自雨如麻無限都人仰

翠華翻手作雲方悵望舉頭見日盡驚嗟天公自有施生妙帝力堪同造化夸上苑春花無盡歲何須羯鼓更催花

孝宗皇帝御和

春郊柔綠遍桑麻小駐方園感物華應信吾心非暇返頓回睛

意絕咨嗟每思富貴將同樂敢務游畋謾自夸不是華清當日  
事五家車騎爛如花

洪氏家乘卷之二

樂平洪氏世譜序

丞相文惠公撰

洪氏之先蓋共工氏之後也攷於傳記頗詳蓋古者賜姓或以  
功或以官族自謚洪之文從水從共而共工氏嘗以水德九百  
域故以此得姓三代時頗著三國時書於史者甚明唐時書於  
史者更悉蓋是時已居盱眙矣爰自盱眙遷其家于歙之黃墩  
既又遷之於岩前云

石碑序

十二世孫文安開

洪氏之先自泗州盱眙後居歙州婺源之黃荆墩至監公始遷  
于饒居樂平金山鄉洪源之豐化橋資產鉅萬結錢爲龍因孫  
端軍後爲黃巢所焚其子二公以岩前墳塋所在而遷焉次子

三公之子孫至今居洪源是爲二派

南唐約關

曾孫師同撰

昇元六年壬寅歲二月十八日嗣孫約關伏聞混沌既判氣分  
二儀清則乾象爲天濁則坤象爲地各隨高下事已無形列星宿  
爲九霄佈五嶽於地位聖人垂教合選山岡陽宅陰宮俱令蔭  
益亦有天子之地亦有王侯將相之地亦有谷食滋多富饒金  
帛切以高祖岩前林壠蔭益親宗族十七房衆族三十三房七  
百餘口一政侍御史三員尚書其餘節使之徒未欲彰於數目  
今商量醮謝監簿玉公之墓合具先祖墓室名諱如後

士良公墓表

元孫文安公遵撰

於乎惟茂高祖考窀穸于滄潭九十八年元孫遵始克表其隧

日月逝矣僅得梗槩耳高祖諱士良其先泗之盱眙人後徙歙  
之婺源諱玉者始徙饒州之樂平洪源玉之子公鄰以岩前塚  
地而居焉至高祖爲人以氣節自許重然諾勇於義若嗜欲然  
鄉黨推爲長者岩前之洪其稱蓋久然自高祖以村野聞見不  
廣挈子若孫買宅城下即今之鄱陽縣二子早世二孫童貌躬  
自鞠養延之有聲者教之長孫彥昇遂擢進士第仕至給事中  
高祖嘗之滄潭距城東五十里縱觀其地山舒水駛意樂之問  
其主曰雷氏之棄地每至必宿留且有所贖久之謂雷氏姬曰  
吾欲尋丈爲廩粟之所姬以高祖之舊游也不疑高祖售地獨  
喜自負曰吾瑩高燥地多矣無以易此異日是必葬我於是吾  
子孫必有爲三公者二孫奉治命葬之滄潭享年七十有三皇

考纍石爲塚峻其垣墻築亭以奉香火叢辰家見之必曰此佳城也高祖妣張氏有法度前卒葬于項冲去岩前三百舉武皇考嘗曰吾家之興始于高祖劬躬披靡於其前而燕翼詒謀以錫美我後人賚志沒地不爵于朝吾以爲恨汝輩識之隆興初遵以非才備立西府欲以冬祀任子恩賜之卹典未幾去國元兄适叅大政爲名丞相又以賞闕乞官上可其奏朝議欲以大

夫申贈命且下會有從中沮之者遂寢不行天子推恩延及三世皇曾祖炳累贈少保曾祖妣何氏累贈紀國夫人皇祖彥先累贈少師祖妣董氏累贈衛國夫人皇考皓累贈大師齊國公皇妣沈氏累贈齊國夫人而吾高祖曾不得階一命又無以成皇考之志吁可悲也况於金石未刻陵谷將變遵大懼祖德之

墜稽于亩籍訪于耆艾追述潛懿表之墓隧且元况奏劄付

石之背庶幾后世知洪氏之興實自高祖始

鄱陽滄港墻地紀原

盤洲老人适撰

洪族本居徽州婺源之黃荆墩唐末避亂徙居饒州樂平之東曰岩前洪源七百餘家世業讀書耕桑高祖志操不同力教三孫立門戶常因事入饒城東四十里曰滄港舟數往來則愛其山水環匯可卜宅兆於是每歸必遺主人雷氏以魚鹽歲久寢熟於秋成之時收穀數百斛分寄雷氏族家越歲置酒集諸人曰誠慙以谷每歲相溷欲謀數丈地自立倉以貯之可乎皆曰諾獨一叟持不可或曰木叟性強不可問惟婦言是畏乃遣姬双縑遂誘其夫曰洪八公往來吾里歲久人情稔厚今求片地

柰何不與乎叟則受以券乃如所願后高祖疾革命家人曰我必於滄港倉下后世子孫當青紫不絕葬歲乙酉年越十六年元豐乙丑伯祖彥昇登第仕至給事又三十年政和乙未忠宣公繼之又二十七年紹興壬戌适同弟遵俱中宏詞博學科後三年乙丑第邁又繼之自給事中去後官者七忠宣之弟姪官者九子孫之官者二十有六來者未艾也皆高祖之澤云

### 洪忠宣公小傳

孫間撰

公諱皓字光弼少負奇節有經畧四方志博學強記政和中第進士初爲海寧簿攝令事蠲貧弱四千八百戶稅縣境荷花桃實竹榦有連理之瑞建三瑞堂适嘗以貳車行縣賦詩云久矣馳魂夢今登三瑞堂故山有喬木近事話甘棠宣和中秀州水

公藉有粟者無責集戒米肆揭價於青白旗上不能自食者食之活九萬五千餘人公出無不以手加額呼洪佛子建炎中擢徽猷閣待制禮部尚書使金自雲中密遣人奏書以挑梨栗麵等獻二帝于五國城始知康王即位金執之使仕劉豫公曰萬里嚙命不得奉兩宮南歸恨力不能殲逆豫忍事之耶不願偷生狗鼠間願就鼎鑊無悔金曰此真忠臣也流徙冷山十五年不屈還朝擢朝請大夫生八子曰适曰遵曰邁並中宏詞科上曰洪皓身陷虜庭乃心王室三千詞科忠孝之報也晚年求郡養母上曰卿忠冠日月志不忘君豈可舍朕去也卒謚忠宣西山真氏曰蘇武之還自匈奴也詔拜爲典屬國賜錢三百萬緡田宅副焉洪忠宣公之節亡愧蘇武而高宗皇帝之所以寵錫

家有 一  
者有過漢庭其褒忠表義皆可爲后世法然武不幸見抑於霍  
光公亦不幸逢怒於秦檜武之見抑不過不爲公卿爾而公方  
遠陰山之北復貶瘴海之南是公之不幸視子卿爲甚而檜之  
罪又浮於博陸也

### 盤洲清逸

洪适字景伯中博學宏詞科紹興二十九年九月十六日以左  
朝奉郎知徽州任內累轉左朝請郎尋提舉江東路常平茶鹽  
首言後法不均之弊常總領淮東軍馬錢糧究心調度饋餉無  
缺官至左僕射兼樞密使贈太師謚文惠檜嘗謂之曰尊公信  
有忠節得上眷但官職如讀書速則易終而無味如黃鐘大呂  
乃可號盤洲生九子二十三孫俱受爵八子曰棟居宣涇云

### 別墅小隱

洪遵字景嚴平居不輕發上前論事麗麗語簡而意盡與物無  
競人不忍欺親舊有求指俸不靳家無餘貲官至樞密封信國  
公謚文安有別墅號小隱

### 詩書宗主

洪邁字景廬官至內翰謚文敏號容齋直筆四十七卷以文章  
爲一代禮樂詩書宗主中興人物之首也父子相承四上奎坡  
之直弟兄相望三陪鳳閣之遊時以爲忠義之報嘗使金風疾  
頭微掉特語曰一日之飢禁不得蘇武當年十九秋傳語天朝  
洪內翰好掉頭時不掉頭與适嘗出守越州故郡有棣萼堂  
孝宗御書野處二字賜之

題僕射适公像

侍講趙英

秀孕山川產俊賢科登上第路青氈姓名竹帛應無朽畫像如存萬代傳

遵公像

翰林陳敏

天生英傑出群倫宋室功勳社稷臣千載聲名應不泯凜然遺像耿精神

邁公像

翰林孔端

德備正魁光忠心佐帝王聲名播天下史汗永流芳

跋

華亭劉清翰林李士宣和四年

聖天子嗣登大宝紀元洪皓公優老干家

勅賜錦衣綉裳齋孫家藏公之父子真容裝潢成冊蓋其存日之

所寫也見視於予夫天生英傑之資輔帝室延數百年之業其豐功盛烈勒之金石著之簡篇宜乎斯圖之傳益悠遠而無窮矣詩曰子子孫孫勿替引之敢以是勗敬書

芝山謁丞相墓詩

韓鋪

山路經行石徑分竹林松樹密仍雲前騶不用高聲喝驚動兩朝宰相墳

又

鄱陽堂族說三洪今古人心出至公事業英華杳何許山空木落鳥呼風

齋孫洪善秘和

宋室山河宝鼎分渡江白馬盛如雲中興人物誰為首千載芝

山古有墳

又

鄱陽猶自說鄱洪遺澤誰知出監公五馬前呵經墓下滿山松  
桂振天風

涇川志古跡

洪尚書故宅在舉山下有荒基遺址甚廣袤廉訪得其誥勅於  
煨燼之餘其可見者云銀青光祿大夫兵部尚書兼上柱國賜  
紫金魚袋洪永章勅文列偏裨儔彰忠自此以後皆闕惜無歲  
月可考五代之際朝廷亦賴其捍禦故有是命宋朝混一江南  
嘗宣召而辭疾不起

跋

盤洲洪适  
紹興三十年

洪永書永章公生五季之末遭時弗淑予知徽二年大訪同姓  
稽涇志士跡遣子棟求公之遺得故址于邑東舉山下形勝天  
然惜後嗣弗競矣棟樂涇之風土遂欲家焉噫公之弗錄也天  
也棟之家于涇也時也由公而觀今知變矣由今而觀後知時  
矣雖然普天王土也率土王臣也涇視微饒何莫非王土王臣  
也棟欲襲公之遺其勗之哉

與洪子明書

僕守拙紫峯每與斥鷃爲伍世塵擾攘避居旗峯之下忽今考  
源洪子明於石泉一見如舊友叙話論其宗譜盤洲洪适公之  
後由鄱陽而居宣涇紫峯里六世祖棄祖基而遷考源僕與子  
明六服兄弟考其族譜事則昭然謹錄本宗奉呈幸垂珍重



鄱陽洪氏

分派宣涇

積善之家

子孫振振

聞詩聞禮

得祿得名

穹壘宇佑

百世昌京

至正丙申三月紫峯里楚人洪景隆書

歛洪源族譜序

篁墩程敏政

知鄭州徽人洪君寬奉其世譜一帙請走序其前曰將板行族中庶其所藉而不朽也洪出共工氏受封河內之共城子孫推本水德之緒加水于左世望燉煌在唐有諱經綸者德宗朝爲河北黜陟使議罷方鎮兵左遷宣歙觀察使自下邳徙婺源之官坑徽之有洪蓋始此觀察七世孫鉞又徙休寧之黃石鉞七世孫中孚宋進士龍圖閣待制贈少師徽宗時嘗諫伐遼軒內侍落職致仕待制五世孫大六再徙歙之西南境因姓其地曰

洪源則今洪所定居也大六十世孫伯祥自號洪厓老人元至正中與其弟震爲洪氏木根水原錄序而蔽之鄭州上距震蓋四世矣然自洪厓兄弟勅譜之後子姓益蕃爲世益遠而舊譜之傳者爲日益譌於是鄭州又復定爲今譜凡若干卷洪厓之譜有鄉先生唐仲寔及史官徐旭之文所以叙譜之故畧已盡之然走獨念徽之洪氏自唐至今視他族積久弥盛亦有二公所不及言者夫唐之亡成於方鎮宋之分裂始於伐遼而觀察待制兩公獨於其時慨然以天下爲念不恤強臣巨奄之害已而言之君父雖其言不行而守官之正謀國之忠建事之勇萬世如一日也其子孫之盛且久不有自而然哉是則斯譜之行豈直叙親疎別真偽所以不忘前烈而迪其後之人固鄭州謹

嗣葺之意也鄭州起鄉進士自桂陽徙治鄭皆有賢聲子遠亦  
舉鄉貢進士而鄭州故與走之宗兄同知汀州然有姝好知洪  
氏者莫如走也故論其世而以兩公爲首稱使後之觀斯譜者  
有考焉

洪氏家乘卷之三

請義士洪昕昌書

知縣包義民 縣丞劉顯 士簿呂文

義以濟貧古今之所尚富而好禮聖賢之所稱况

朝廷錫與冠帶之榮而有司舉行勸諭之典數十兩之金未爲多  
也百千人之命實有賴焉凡我義士請拔種上之毛救彼窮民  
免作溝中之瘠陰隲固大名譽亦高茲惟畫一以告言幸勿再  
三而推調

義士洪昕昌照例納銀助賑榮膺冠帶終身 右割付仰准此

跋

宗人洪健 郡庠生

昕昌公誠義士也幼能幹蠱友于兄弟均產無嫡庶心嘗創舉  
山庵督造茹麻巡司建仰賢公館編世系景泰壬申歲大飢

邑大尹王君勸放六縣飢民全活甚衆以松居弟能容弘治甲寅遷白花新居門植槐柳蓋期于後也六子諱孫俱婚名族四女長適龍坦胡杞林次適星潭汪伯倫三適本都鄭太四適東隅趙仕淪公其洪氏之傑出者歟

贈三洪生詩有序

誠齋汪鏗吏部天官

涇川文獻著新豐奕葉書香繼世同忠節昔嘗稱大宋衣冠今復見三洪尋春遠挹黃山勝歷夏深潛湯寺中燈火功夫應未艾連綿科第振前風

三洪生曰于喬遷于長遠直卿侃涇之新豐人後先擢秀色庠丙申春遊歛之黃山愛其奇勝不忍遽去寓湯寺中且晷溫習時大家宰誠翁致政歸暇日泮魚三十

六峯下浴于湯泉少駐厥寺三生迎侍有禮翁贈之以詩江道其先世有三洪之盛今又見三生可以世厥美矣詩成命莊叙之時雍獲驂翁駕云嘉靖丙申仲夏新安郡守三石馮世雍書

行樂圖贊

為涇東下浪洪子宣伯鏗賦

汪思

雲南兵備副使

旗峯幽壑藤溪小約松林蘭薄此蓋一行樂湖波噴薄海天寥廓雲帆月鶴此亦一行樂上天下地曷不存豪傑之胸往古來今曷不屬遊子之脚快矣哉足媿物外之仙壯矣哉豈羨朝端之爵此其既非泉石之膏肓亦匪江湖之落魄也歟

讀書齋贊

并序

汪思

涇川四君子構齋榜山下為讀書齋予聞而壯之曰從

事於斯其進未已也聖賢地位無窮至矣樂爲之贊四  
君子曰子抑銳子衡鑑子珎銑道原洪俱治麟經下浪  
洪氏世家云

齋居之幽幽厥棟斯克姚妣之渾渾厥理斯融侶宋之鷄效韓  
之虫賢聖對梁公之面今古澆山谷之胸夜閣煙生於藜杖春  
江水泛於蒙衝其舍之也必將高千古而立言其用之也或可  
垂億載而建功然則張詠何慮乎寇老梁父奚恨乎歐公

松山詩

爲下浪洪子和賦

潘珎 兵部侍郎

托根元自徂徠頂萬仞青青歲月深吉兆遠期丁固夢高懷時  
動崔丞陰風來清籟凌虛壑月上蒼龍度遠岑莫謂秦封終不  
受棟梁聲價重千金

又

汪敏求 都摩生

青蒼翠嶺凌空起誰把徂徠移在此萬古一色無變更群峰四  
面皆拱峙從遊長伴漢留侯招隱不必淮南子仰止空勞跨鶴  
心神交一夜思千里

萃英草堂

爲松山洪子和題

潘珎

天上煌煌現德星草堂深處集群英百年文物衣冠盛四座春  
風笑語聲德望豪華才冠世襟懷磊落氣吞鯨相期共展匡時  
策莫遣儒冠負此生

又

汪敏求

小結山茅近水傍滿川花柳煥文章香飄叢林如實蔭滿庭  
槐更比王萬里雲霄看接武百年門閥重光德星高照人爭

仰薛鳳荀龍共一堂

又

豐城錄

清虛突構倚雲隈幸假棲遲育俊才一道春風掃塵淨百年文運自天開山培巢鳳數竿竹池起潛龍二月雷

上國觀光應未艾姓名端不讓三台

清溪行為涇東下浪洪子宣伯鈇賦王瀾

溪以清名昭潔也溪肩能清水也水生於天一陰之靜陽之根也穹壤間物各具一太極水物也內明而外暗陰中有陽也涵太極者也嘗觀其出山下也其行地上也流而為溝壑為江河為湖海其能清乎必匯而為淵澄之不清撓之不濁然後清也清塘洪子宣氏名鉉號清溪個黨英偉也貴義輕利也替德而

弗耀也擅居地之清而有是號清而又清者矣今夫溪之名容乎溝壑之所注而襟帶江河湖海者也源之清者其流清觀江河湖海則知溪矣是故山下之泉清矣時雨之集黃潦之雜其能清乎必加以澄治焉澄之於溝壑溝壑清矣澄之於江河江河清矣澄之於湖海湖海清矣人受天地之中以生性無不善也其水之清者乎氣質之不齊濁矣澄治之功加則反而為清復其本矣非有所益也洪子其清者歟其亦加澄治之功而後清者歟溪之流不能清也淵則清矣可以鑿毛髮可以別妍媸可以湛天光可以窺鳶魚可以昭景象清莫尚焉人心之動不能清也靜則清矣清則能燭物理辨是非區善惡究精微析毫忽清道極矣洪子以心之清而涵於水以水之清而契於心

淵乎淵乎其心矣乎心乎心乎其淵矣乎夫然則心不物於物而趨於物始以溪之清而昭其號終以心之清而後其性出於齊人一等而無愧於天人者矣子宣氏其亦知此否乎姑衍之新豐八詠

榜山揭曉

屏山汪承 五言八律

一從天地闢如榜碧空橫偶遇開科日遂食揭曉名文章昭草木姓字識山靈鐘產多豪傑還當輔 聖明

又

松山洪奎 絕句八首

一山形勝如懸榜文彩輝煌草木芳當日立名稱揭曉定應誰作狀元郎

下浪生春

藤溪有二浪此浪獨馳名禹門端不讓郡志豈能更春水溶溶盛金鱗簇簇生一聲雷震處幾見化龍成

又

疊石瀦淵深幾許一篙春水碧溶溶金鱗不逐群魚去浪煖桃香待化龍

紫雲峯高

勝地峙奇峯高哉幾千丈嵐光浮紫雲天籟度清響翠秀產英賢鐘靈發豪宕有時步天衢藉尔階梯上

又

直矗矗疑空紫欲流朝朝暮暮見雲浮峯名從此昭遠巨鎮鍾靈萬萬秋

白花橋古

疊石跨中流民無病涉憂千年卧虹影一道便如虹波濤隨日  
夜風雨自春秋利濟雖舟楫斯梁功更優

又

鼎建應從千載上至今沿襲白花名縱橫駟馬堪馳驟題柱何  
人繼長卿

秀峯貂蟬

朱紫金門客貂蟬肅首冠何年辭 陛下遂尔見雲端有彩呈  
春色無聲咽暮寒山靈人自傑佇見列朝班

又

蟬附青山飛不去乾坤遂擅秀峯名從來孕毓多豪俊好飾哉

冠規 聖明

清塘 濯鯉

一鑑源頭活潑通半畝中水痕總見綠桃浪正翻紅觸目驚飛  
鯉翻身便是龍滄然雲霧起變化上層空

又

半畝方塘來活水金鱗遊泳自周迴春風欲待成龍去只聽空  
中一下雷

藤水朝耕

極目藤溪上膏腴掌若平一犁春雨足百畝曉雲晴在在田翁  
樂家家倉廩盈甕頭新釀熟鼓腹樂昇平

又

沃壤深耕藤水上半簑煙雨一犁春時人莫謂農夫苦三聘還  
看到有莘

舉菴夜讀

舉山形勝地千古一菴存黃卷還充棟青灯了閉門吾吟常徹  
夜龜勉不窺園若個工夫足登科作狀元

又

結屋依山幽且靜藜燈夜雨一書籠吾吟聲續工無間吐手功  
名可立談

南潭古選

觀瀾

洪子鏢字子立居南有潭小構其上為遊適折時高觴  
味清趣可掬因號焉故為賦之

潭近屋山南到放天光入遙怜明月夜星斗俯可拾遊魚識書  
聲浮萍滋盡汁白鷺時飛來窺簾作人立

贈洪生別

周煥閩人任宣府太

洪生鑑涇之下浪人為親訴屈于京予亦被誣來雪偶  
同所主於其歸也詩以別之

羨子青年遊上國為親訴屈見衷情百年父子恩偏洽一代文  
明世更清萍水相逢疑是夢壺觴傾倒且忘形潞河河上情難  
別回首巍上望

帝城

紫峯

為洪君尊作乃子生員遠故及之

觀瀾

奇峰削出水雲隈紫氣騰上冠上台鍾產英賢何所見桂花庭



畔倚秋開

澹菴

為由里洪君銖題乃子  
生員于喬故期之

余光

世俗豪華競誰知澹意真菜根元有味  
茆屋自生春易向梅邊讀詩從草夢尋  
桂庭秋正好

懷竊出楓宸

松山解

汪觀瀾

涇川之東有鄉新豐厥地下浪厥姓維洪  
主人曰壑子和其字署號松山求發其義  
客有過余而問曰松之見取貴于先秦五  
封之逮右平儒紳載如斯立佐政豈田日  
吟其下錦綴珠聯主人貴其所非故顏揭  
而眉懸曰非也四松之味成於子美七松  
之虎昭于知薰北十八於封公之夢求五  
粒於華山之陰匪偶

在乎三徑如千丈於和嶠之森也主人之意無乃慕乎群公之  
直曰非也松而千歲雀巢其上其形若枯化為石狀蒼則無鹿  
之觸怪則有論之當高則賦於龜蒙古則見於常偃之筆仗根  
下遇石則仆齋前種之則益主人其亦馳神於茲度目明而心  
暢曰非也青蒿倚松慚于韓子蒿與女蘿愧非其齒古不栽于  
石上今競繪于其紙摩之而忽向東執之而談弗已五葉結子  
於朝鮮夾植休行於南址一道清風並蒼榕而興歌五里稱壽  
於建昌而遙指主人欲會其全而播芳馨於遐邇曰非也東海  
大松其狀甚奇甘露降之厥美如飴常守護於孫綽曾掛劍於  
旁枝燒之而能照室食之而不寒飢子房之從也有保身之哲  
趙瞿之啖也無行陸之危主人之號之也顧超然於物外而欲

躋乎期頤曰非也然則主人曷爲而取之耶曰長松千株蒼光蔽天吟風濯露蔚乎鮮貞氣貫四時不改柯易葉後凋於萬物而獨守之堅歷千歲者其精化青牛伏龜見嵩山之記垂寶蓋者下茯苓而上兔絲著淮南之篇撫而盤桓養淵明之高致食而飛走神僊之行仙若夫陰之清也誰不愛花之香也誰不憐主人之取之也亦以其異乎群木與梅竹而齊肩曰古人之植之也或坡或澗或盆或泉主人奚獨不然無亦取乎徂徠之義而淨植於山之巔故徵其靜守之操而陋古人於不言曰主人居南有山曰榜逶迤其形聲聞谷響右瞰舉山之竒左挹雲峰之爽管攝乎清塘之間俯視乎貂蟬之仰黃窈當前石門接壤區若嶽之高庶幾乎東山之仿故植松於其上以爲終身之觀賞客起再拜曰松山之義無餘蘊矣先生之解名實稱矣余幸聞命矣敢不起敬矣

記萃英草堂

程宗洛 婺邑庠生

草堂曷名也松山洪君子和建也君曷建堂也所以示志也君少肄經業將奮于庸以家事叢乃躬也弗終厥志志猶不忘物也屬諸其子弟病子弟之離群索居也爲延師友以漸之師友講習又不可非其所也卜地于山之陽伐木琢石構屋數間中立廣堂旁列虛室明窓淨几堪處以讀四圍植竹木花卉閑時足供玩味門外鑿沼注泉畜魚其中倚闌可觀而纓可濯焉因扁曰萃英草堂愚嘗慨夫朋來之樂亡而心學之不明久矣凡相謀聚無非以締勢利之交而爲外物之媒已也君乃有得於

此心之不容已而列於五倫之不可廢者于群英而萃之吾知其招也以氣同其來也以道合脫形骸露肺腑對時乘興相與徘徊山曲之間吟弄于清風明月之天偕心樂也繩約規誨朝夕嚴澤以相觀而善孚心益也各出已見不詭以隨隨確古今人物得失辨論經書子史異同會心文也幼之學壯之行他日獲登於用必求成夫光明俊偉之事功而不爲流俗之所移勵心行也樂偕而情不睽益孚而德不悖文會而藝不虛行勵而志不苟故君子謂斯堂之建也有取友之義焉有淑後之仁焉有奮時之望焉有底道之期焉有身心性情之益焉且茲數善而君子之嘉備矣居斯堂者幸無負厥志共勗之哉

塔山八詠

九里林

洪遷 五言四絕

喬木章章古連雲蔽碧空養成梁棟器何必貴秦封

千年坂

一阪成沃壤桑麻化雨新不騰亦不震天地永同春

凌塘鎮

源頭來活水一鑑碧溶溶古迹千年在春雷自化龍

河橋驛

沙河河上橋利濟過舟楫往來絡繹如斯民無病涉

西湖漁

胡佐 五言四絕

水長拍春天波平涵夕照不聞畫艇歌時見漁垂釣

南不耕

食者民之天匪耕曷云濟一犁春雨餘百室皆沾惠

茅山樵

去去山中遠丁丁聞斧斤歸來肩任重挑盡隴頭春

平原牧

朝來驅犢出扣角更與歌歸去黃昏後孤眠不解簑

松亭 為塔山洪子和居士題

貴池柯相

倚松結茅亭松清亭亦清懷哉亭中人偶此成幽盟

濟泉

觀瀾

洪生士元早遊泮水功名可立俟也別號濟泉詩以昭之

通衢鑿古井遙上幾何年幽深涵日月寂靜鎮坤軋汲引鳴榔

桔祛煩破悶咽蒼生霖雨伏大旱起龍眠

樂軒 為洪國祥題

汪春時 庠生

吾道天高杳莫扳已私隨克理隨還中庸始信難窺奧大學方

知易透閔蔬水曲肱應慕孔簞瓢陋巷且希顏如今坦坦周行

上忘却從前行路難

竹亭 為儒生洪鈞賦

葉天榮 戊子峯人

境界天開迥異常一亭瀟洒倚篔簹百禽不許閑棲上留待明

朝宿鳳凰

清泉 為塔山散人洪子銳作

汪德 儒士

一泉清徹底可以濯吾纓孺子與歌後誰能會此情

清溪詩二首

為涇邑下浪洪子宣伯銑賦

警齋汪鐸

溪上主人氣槩雄  
清溪徹底碧涵空  
鳶飛魚躍高深見  
雲影天光上下同  
坐石濯纓非孺子  
臨流作賦是仙翁  
多君對玩心如  
水興趣悠上詠不窮

又

新安汪德

紫峰之麓涇川陽  
清溪標致殊非常  
其源有本其流長  
宛如奏琴雜宮商  
又如漱玉散鏗鏘  
一道銀河懸碧蒼  
蒼千尋練帶互低昂  
落花紅葉漂文章  
天光雲影相悠揚  
渴時一啜搜枯腸  
熱時一濯渾身涼  
汲來釀酒井如飴  
汲來煮茶更清香  
可以洗耳名  
利忘可以醒心  
延壽康臨風飛興  
歌滄浪動而不括  
樂無央

